

Agencije uključene u Plan implementacije imovinskih zakona (PLIP) objavile statističke podatke o povratku za mjesec septembar

Agencije koje su uključene u Plan implementacije imovinskih zakona (OHR, OSCE, UNHCR, UNMIBH i CRPC) objavile su danas da se zaključno sa krajem mjeseca septembra sveukupna stopa implementacije imovinskih zakona povećala na 34% u BiH. U Federaciji je razriješeno 43% predmeta, dok taj broj u Republici Srpskoj iznosi 24% i 30% u Brčkom.

I dalje veliku zabrinutost izaziva činjenica da u općinama Foča, Sokolac i Srebrenica nije riješeno čak ni 10% od ukupno podnesenih zahtjeva. Ove općine kao i Ministarstvo za izbjeglice i raseljena lica u Banja Luci sada moraju uložiti stvarne napore kako bi pokazali da se vladavina zakona primjenjuje na cijeloj teritoriji Republike Srpske.

Međunarodna zajednica i relevantna državna i entitetska ministarstva trenutno razmatraju niz izmjena i dopuna imovinskih zakona u oba entiteta. Na konferenciji o imovinskim zakonima, koja je 23. oktobra održana u Tesliću, nadležna ministarstva RS i Federacije su odredila 15. novembar 2001.god. kao krajnji datum za postizanje sporazuma o potrebnim izmjenama i dopunama te za usklađivanje entitetskih zakona.

U periodu između januara i kraja septembra tekuće godine, sveukupna stopa implementacije se povećala samo sa 21% na 34% u BiH (sa 29% na 43% u Federaciji, sa 13% na 24% u RS-u, i sa 14% na 30% u Brčkom). Izmjene će, uz intenzivne napore

lokalnih organa vlasti da ih implementiraju, pomoći da se stopa implementacije podigne na prihvatljiviji nivo.